

sullen sie aber eyn geschoß gebin, nachdem als sie das mit den rethen obirkommen mogen, ane widdersprache. Ouch so sullen die vorbenanten Abraham iode, Jordan syner tochter man, ire wiber vnd ire kinder die wile sie bie vns wonen vnsern rethen vnde der ganczen gemeyne getruwe vnde gewere sin vnde vnser allir vnde itczlicher bisundern bestis werbin ane geuerde. Factum est in proconsulatu Hans Wachawen anno domini M°CCCCXXXVI<sup>to</sup> feria quarta in vigilia ascensionis domini.

Aus den Bruchstücken eines Stadtbuchs im Rathsarchiv zu Leipzig. Unter denselben befinden sich auch auf besonderem Blatte die Bedenken eines Ungenannten gegen den von Herzog Wilhelm den Juden ertheilten Freibrief, welche bei Abfassung des Aufnahmebriefes nicht unberücksichtigt geblieben sind und deshalb der Mittheilung nicht unwerth erscheinen.

Die zcedel, die Abraham am nehisten in geinwertikeit Mertin von Berenwaldis hofemeister, Albrechts von Draschwicz vnde des lantschribers dem rate ussgeantwort hat, ist myn gut geduncken, das man der nicht uffneme noch in der stat buche laze schriben, vnd bisundern von des artickels wegen in der selbin czedel namhaftig geschrebin also inhaltende nach inhaltunge ires bestetiges briues, den on vnser gnedige herre vnde syne vorweser vorsigelt gegeben haben ꝛ., wenne der bestetige briue in eynem artickel also inheldet, also das die gnanten ioden vnde iodynnen mogen in den acht iarn in allen vnsern landen gewynnen vnde irwerben noch irer narunge gewonheit, ader sust andire redliche handelunge triben an kouffen adir vorkouffen, wie in das vor handen kumpt ꝛ. Solde der artickel also bliiben, so muchten die ioden kouffen vnde vorkouffen; was were is denne [vmbe] die hantwerge, wullenweber, gewantsnider, cramer vnde andire koufflute, die ioden schickten wachs, gewant, worcze vnde andire kouffmanschatz bii sich glich andern mitteburgern vnde kouffluten, vnde der artickel ist widdir eynen gemeynen nutcz vnde ist nicht zcu zugeben ꝛ. Vordir stehit in demselbin bestetigten briue eyn artickel vnde vortedingen, das sie nymand mit fromden gerichtten angriffen, laden ader antedingen sal, ouch nemlichen, das sie nymandes bannen vehmen ader echtigen sal ane geuerde ꝛ. Meyne ich, das der artickel swerlich ist, sich zcu vorschriben, dorumme wir sint nicht mechtig des babistes vnde des concilium noch ouch des keyser, wir mogen in ire hende irer gewalt nicht binden, das er nicht vor den babist adir in das concilium geladen wurde, vnser gnedige hern muchten das nicht obireg gesin, sie sint in das concilium geladen. Ouch wurde er vor die heymlichen gerichte geladen adir vor den keiser, wie were vns das mogelichen, das wir in widder solliche gerichte vortedingeten, vnde ist vnmogelich vnde widdir die gesatzten recht, vnd machten vns do mitte anruchtig von sollicher vorschribunge vnde setzten vns widdir die heilige kirche vnde das Romische rich, vnde meyne, das ir uch dos habet wol zcu schutzezen vnde uff zcuhalten. — So stehit vordir in demselbin briue in eynem artickel, wir wollen ouch die gnanten ioden vnde iodynne nymand obir zeugen lazın, welchirley schult adir geruchte uff sie kommen geistlichen adir werltlichen, do sullen sie mit irer eigen vnschult von kommen ꝛ. Der artickel ist abir widdir geistliche vnde wertliche recht vnde meynen, were ich dem ioden icht schuldig gewest vnde in bezcalt hette vnde er mir das laucken wolde, ich muchte vnde solde in obirzeugen wie man eynen ioden obirzeugen sal vnde mag noch gesatztem rechte. — Vmbe den artickel als vmbe das geleite, das hette sinen vorgang, wil in vnser herre hir haben, so müssen wir in liden vnde sollich geleite im helffen bevestigen vnde beschutzezen. Welde denne der rat in in iren schutz nemen, das man in neme in sollichen schutzezen vnde vorteding, alsdenne bie vnser gnedigen hern vnde iren vater vormals gewest ist vnde im zugeschreben haben.

Es folgt nun der Entwurf eines abgeänderten Schutzbriefes, wie dieser nach des Schreibers Ansicht von Herzog Wilhelm mit Berücksichtigung der auseinandergesetzten Bedenken auszufertigen sein würde. Dann heisst es weiter: Nach salliches briues lute vnde antwortunge liesse die stat schriben den schutz Abrahams in der stat buch vnde gebe im eyne schlechte abeschrift vnde nicht vorsigelt mit keynerley sigill des statschribers adir eyns andern, dorumme is were glich so vil, wenne der rat eynen hieß sin sigel andrucken, so hette er gliche wol eyn bekentniß, vnde wer noch mynem geduncken so vil, als [ob] die stat Abraham ir sigill angedruckt hette lazın. vnde muchte so eyn bekentniß haben vnde die stat zcu schaden vnde tedingen brengen ꝛ.

No. 190. 1436. 11. Juli.

*Der Rath belehnt Hans Borckart mit der Pardemühle.*

Hans Borckart hat uff genommen von dem rate die Pardemol gelegen vor dem Hellschen thore, douon er sal geben alle iar III ß cinses. Factum sub Johanne Wochaw feria 4<sup>at</sup> post Kiliani anno ꝛ. XXXVI<sup>to</sup>.